

## 442.

*Herzog Moritz verordnet, daß dem jedesmaligen Rektor der Universität vier besondere Rätthe beigeordnet sein sollen.* [1544.]

*Hdschr.: Concept Hauptstaatsarchiv Dresden Leipziger Händel 1422. 92. 1507—1553 loc. 10532 fol. 260 sq.*

5 Nachdem wir unser universitet zcu Leiptzk eynkummen und gefelle mit gene-  
diger zeulage gebessert, darmit die bestellunge guther nutzlicher lere und lection (wie  
derhalben uns antzeigung geschehn ist) dieser zzeit nit alleyn gehindert seyn, sunder  
villmer ruhelichen vorgang gewinnen mochte, uber das auch zcu unterhaltung etlicher  
armen frummen kinder, bey denen hoffnung, das sie gemeynem nutz in kirchen und welt-  
10 lichen emptern fruchtparlich dienen wurden, in unserm land burtigen eyn antzale stipendia  
ader iargelt und der andern eynen gemeynen tisch umb eyn tzimblich wolleidlich wochen-  
geldt in dem neuen Paulercollegien antzurichten vorschaffte und geordnet haben, und  
hirinnen anders nichts bedacht noch gemeinte, dan der lieben iugent nutz und frummen,  
darmit dieselbig in diesen geschwinden, fehrlichen, wusten zzeiten durch unsere vor-  
15 sehung, vornemlich zcu des ewigen gottis ehre, preiß und lobe, auffnehmung seyner heili-  
genn christlichen kirchen und dan unsern und auch frembden landen und leuthen nutz-  
lichen gebrauch in eynem stillen zuchtigen leben, guther kunste und der wahrheit lere  
aufferzogen werden und vorsorgte seyn mochte, wiewoll wir nun dem lieben getreuenn  
gotte solches wergks erhaltung und gedeien gantz und gar heymstellen und yhnen de-  
20 mutigklich bitten, er wolle unser hirinnen vorgewanthen vleis yhme genedigklich gefallen  
lassen und dan anfangk zcu seligem ende leiten und bringen, so achten wir dennoch  
darvor, es wolle uns von gott auffgelegten ampt noch geburen, das wir auch mensch-  
lichs vormugens ob diesem unserm vornemen halten und auf wege trachten, dardurch  
sulchs eynen guthen, werhafftigen und vortreglichen bestandt bekummen und haben moge.  
25 Und nachdem angetzeigt, das sulche unsere vorordnung der iugent zcu guthe geschehen,  
wissen auch das aus rechtschaffener erzchlung derselben in allen stenden wolfart und  
aus vorseumnuß das widerspiel ervolgen muß, befinden aber das zcu disen tzeiten neben  
andern untugenden auch eigner nutz ubirhand nimpt und kunden aus allerley begeg-  
nussen und fellen abnemen, das dannoch bey vil weniger dan wir vorhoft eyntrechtiger  
30 wille und vleis sich eraugnet unserer wolmeinung und ordnung der reformation und  
besserung unser universitet zcu Leiptzk mit nachgedengken, arbeit und sunst ides teyles  
ratsame voltzihung und außrichtung zcu thun, mochten auch etliche auß eynfeltiger  
scheu und andern redelichen bedengken, dieweyl wie an uns gelanget sich vilerlei irrung  
in anrichtung unser obgemelten reformation und ordnung erfinden sollen, sich nit unbillich  
35 von solcher sorglichen muhe abziehen und dieses handels eussern, demenoch so wollen  
wir mennigklichen unvorhalten wissen, betzeugen auch das mit gotte dem herren dem  
vater unsers eynigen seligkmachers Christi, dem die herzzen aller menschen offen stehen,  
das wir dise reformation, ordnung und besserung unser universitet obberurter ursachen  
halben aus guthem wollbedachtem gemuthe und rathe mit ernst und in der warheit vor-